



Broj: 05-40-20-1107-3/20
Datum: 27.03.2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, broj 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-40-20-1107-2/20 od 26.03.2020. godine, Općina Maglaj, ovlašteno lice ugovornog organa Načelnik općine Maglaj d o n o s i

ODLUKU
o izboru najpovoljnije ponude

I

Najpovoljnija ponuda za izvođenje radova na tekućem održavanju i rekonstrukciji sistema javne rasvjete na području Općine Maglaj za 2020. godinu je ponuda ponuđača „ELPROM-ZAMBONI“ d.o.o. Maglaj, u iznosu od 22.155,00 KM bez PDV-a, odnosno 25.921,35 sa PDV-om.

II

Ponuda je dostavljena u postupku konkurentskog zahtjeva za dostavljanje ponuda za pružanje radova na tekućem održavanju i rekonstrukciji sistema javne rasvjete na području Općine Maglaj za 2020. godinu, koji je objavljen na portalu javnih nabavki, Obavještenje o nabavci broj: 1140-7-3-7-3-9/20 od 17.03.2020. godine. Kriterij za dodjelu ugovora je najniža cijena.

III

Odabrani ponuđač je dužan u roku od pet dana od dana zaprimanja ove odluke, dostaviti dokaze kojim je tenderskom dokumentacijom ponuđača koji bude odabran kao najbolji u ovom postupku utvrđena obaveza dostavljanja dokaza koji propisuje Zakon o javnim nabavkama.

IV

Za realizaciju ove odluke zadužuj se Služba za urbanizam, geodetske i imovinsko-pravne poslove Općine Maglaj.

V

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

VI

Ova odluka ima se objaviti na web stranici Općine Maglaj, u skladu sa člankom 70. stav 6. Zakona o javnim nabavkama.

Obrazloženje

Odlukom o pokretanju postupka, broj 05-40-20-1107/20 od 17.03.2020. godine, pokrenut je postupak javne nabavke radova na tekućem održavanju i rekonstrukciji sistema javne rasvjete na području Općine Maglaj za 2020. godinu.

Odabran je konkurentski zahtjev za dostavu ponuda koji je objavljen na portalu javnih nabavki, Obavještenje o nabavci broj: 1140-7-3-7-3-9/20 od 17.03.2020. godine. Kriterij za dodjelu ugovora je najniža cijena.

U ostavljenom roku, pristigla je jedna ponuda, i to od ponuđača „ELPROM-ZAMBONI“ d.o.o. Maglaj.

Odlukom broj 01-49-424/19 od 20.02.2019. godine, Načelnik općine Maglaj imenovao je Komisiju za javne nabavke u 2019. godini. Komisija je izvršila javno otvaranje ponuda 26.03.2020. godine u 12:15 sati, o čemu je sačinila zapisnik o otvaranju ponuda. Javnom otvaranju je prisustvovalo ovlašteno lice ispred ponuđača „ELPROM-ZAMBONI“ d.o.o. Maglaj. Zapisnik o otvaranju ponuda je odmah proslijeđen ponuđaču koji je učestvovao u ovom postupku.

Na zatvorenom sastanku, dana 26.03.2020. godine, Komisija je pristupila pregledu i ocjeni ponuda i utvrdila da je dostavljena ponuda formalno-pravno ispravna.

Komisija je nakon toga sačinila konačnu listu ponuda rangiranu po cijenama ponuda i utvrdila najpovoljnijeg ponuđača, a to je „ELPROM-ZAMBONI“ d.o.o. Maglaj, čija ponuda iznosi 22.155,00 KM (bez PDV-a), odnosno 25.921,35 KM (sa PDV-om).

Na osnovu naprijed navedenog, Komisija je prema utvrđenom kriteriju „najniža cijena“ utvrdila da ponuda ponuđača „ELPROM-ZAMBONI“ d.o.o. Maglaj, ima najnižu cijenu za izvođenje radova na tekućem održavanju i rekonstrukciji sistema javne rasvjete na području Općine Maglaj za 2020. godinu, i predložila da se sa istim zaključi ugovor za predmetne radove.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi neporedno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Služba za urbanizam, geodetske i imovinsko-pravne poslove
2. Arhiva



OPĆINSKI NAČELNIK
Mirsad Mahmutagić